

Ákvæði til bráðabirgða.

Gildi reglna þessara er háð því að frumvarp um breyting á lögum um embættiskostnað presta og aukaverk þeirra nr. 36 8. september 1931 verði að lögum. Meðan svo er ekki, taka reglur þessar ekki gildi, þrátt fyrir ákvæði 1. mgr. 11. gr., og skulu þá eldri reglur um greiðslu embættiskostnaðar gilda.

Reykjavík, 10. desember 1998.

Jón Helgason
forseti kirkjuþings.

Gunnar Sveinsson
þingskrifari.

31. desember 1998

Nr. 817

BÆJANÖFN O.FL.

Menntamálaráðuneytið hefur – samkvæmt lögum nr. 35 18. febrúar 193 um bæjanöfn o.fl. – gefið út leyfisbréf fyrir eftirgreindum nöfnum á tímabilinu 1. janúar til 31. júlí 1998:

Í umdæmi sýslumannsins á Selfossi:

Ósavatn á skógræktarbýli úr landi Egilsstaða I, Villingaholtshreppi, Árnessýslu, Myrkholt á hrossaræktar- og þjónustubýli úr landi Kjóstastaða II, Biskupstungnahreppi, Árnessýslu, Mön á loðdýrabýli úr landi Ása, Gnúpverjahreppi, Árnessýslu og Brúnir á smábýli/lögbýli úr landi Gnúpverjahrepps (upphaflega landi Skaftholts), Árnessýslu.

Menntamálaráðuneytinu, 31. desember 1998.

F. h. r.

Árni Gunnarsson.

Karitas H. Gunnarsdóttir.

31. desember 1998

Nr. 818

SAMÞYKKTIR

**um breytingu á samþykktum nr. 196/1997
fyrir Lífeyrissjóð starfsmanna ríkisins.**

1. gr.

Grein 2 orðast svo:

Sjóðurinn starfar í þremur deildum, A-deild, B-deild og séreignardeild (S-deild). Um aðild að hverri deild um sig fer eftir II. og X. kafla samþykpta þessara. Fjárhagur deildanna skal vera aðgreindur. Rekstrarkostnaði skal skipt á milli þeirra í hlutfalli við umfang hverrar deildar í rekstri sjóðsins samkvæmt nánari reglum er stjórn sjóðsins setur.

2. gr.

Fyrirsögn yfir 3.–7. gr. (verður 3.–9. gr.) verði þannig:

Stjórn sjóðsins, starfsmenn og innra eftirlit.

3. gr.

Við samþykktirnar bætist ný grein sem verði 8. gr. og breytist röð annarra greina samkvæmt því. Greinin orðast svo:

Við lífeyrissjóðinn skal starfa endurskoðunardeild eða sjálfstætt starfandi eftirlitsaðili sem annast innra eftirlit. Innra eftirlit skal vera hluti af skipulagi lífeyrissjóðsins og þáttur í eftirlitskerfi hans. Stjórn sjóðsins ræður forstöðumann endurskoðunardeildar eða semur við sjálfstætt starfandi eftirlitsaðila.

Sjálfstætt starfandi eftirlitsaðili getur verið löggiltur endurskoðandi eða sá sem hlotið hefur viðurkenningu Fjármálaeftirlitsins.

4. gr.

Við samþykktirnar bætist ný grein sem verði 9. gr. og breytist röð annarra greina samkvæmt því. Greinin orðast svo:

Endurskoðunardeild eða eftirlitsaðili lífeyrissjóðsins skv. 1. mgr. 34. gr. laga nr. 129/1997 skal m.a. annast eftirfarandi verkefni:

1. hafa eftirlit með að skráning iðgjalda og lífeyrisréttinda sé samkvæmt lögum og samþykktum sjóðsins,
2. hafa eftirlit með að lífeyrisréttindi séu reiknuð í samræmi við lög og samþykktir sjóðsins,
3. gera tillögu til stjórnar um skipulagningu innra eftirlits og annast sérstakar úttektir á virkni innra eftirlits,
4. hafa eftirlit með að í viðskiptum með eignir lífeyrissjóðs sé endurgjald fyrir þær innt af hendi innan eðlilegra tímamarka,
5. hafa eftirlit með því að fjárfestingarstefnu sé fylgt og að ávöxtun eigna sé eðlileg,
6. hafa eftirlit með að iðgjöldum og öðru ráðstöfunarfé lífeyrissjóðs sé ráðstafað í samræmi við lög og samþykktir sjóðsins.

5. gr.

20. gr. sem verður 22. gr. orðast svo:

Gjaldstofn fyrir iðgjald til A-deildar skal vera heildarfjárhæð greiddra launa og endurgjald fyrir hvers konar vinnu, starf og þjónustu vegna þess starfs sem veitir sjóðfélaga aðild að sjóðnum. Stofn til iðgjalds skal vera allar tegundir launa eða þóknana fyrir störf sem skattskyld eru skv. 1. mgr. 1. tölul. A-liðar 7. gr. laga nr. 75/1981, um tekjuskatt og eignarskatt. Til gjaldstofns skal þó ekki telja hlunnindi sem greidd eru í fríðu, svo sem fatnað, fæði og húsnæði, eða greiðslur sem ætlaðar eru til endurgreiðslu á útlögðum kostnaði, t.d. ökutækjastyrki, dagpeninga og fæðispeninga.

6. gr.

Við 21. gr. sem verður 23. gr. bætist ný mgr. sem verði 1. mgr. og breytist röð annarra málsgreina samkvæmt því. Málsgreinin orðast svo:

Gegni sjóðfélagi, sem greiðir iðgjald til A-deildar sjóðsins skv. ákvæðum 15. gr. vegna starfs hjá tilteknum launagreiðanda, jafnframt aukastarfi hjá sama launagreiðanda, er heimilt að greiða iðgjald til sjóðsins vegna slíkra aukastarfa.

7. gr.

25. gr. sem verður 27. gr. orðast svo:

Stjórn lífeyrissjóðsins skal móta fjárfestingarstefnu og ávaxta fé sjóðsins með hliðsjón af þeim kjörum sem best eru boðin á hverjum tíma með tilliti til ávöxtunar og áhættu. Stjórn lífeyrissjóðs er heimilt að móta sérstaka fjárfestingarstefnu fyrir hverja deild í sjóðnum. Lífeyrissjóði er heimilt að ávaxta fé sitt með eftirfarandi hætti:

1. Í ríkisvígslum, ríkisskuldabréfum og skuldabréfum sem tryggð eru með ábyrgð ríkissjóðs.
2. Í skuldabréfum bæjar- og sveitarfélaga.
3. Í skuldabréfum tryggðum með veði í fasteign að hámarki 65% af metnu markaðsvirði nema þegar um er að ræða sérhæft atvinnuhúsnæði þá skal hámark þetta vera 35%.
4. Með innlánnum í bönkum og sparisjóðum.
5. Í skuldabréfum og víglum banka, sparisjóða og annarra lánastofnana sem lúta eftirliti Fjármálaeftirlitsins.
6. Í hlutabréfum fyrirtækja.
7. Í hlutdeildarskírteinum verðbréfasjóða, en verðbréfasafni að baki skírteinunum skal skipt á aðra töluliði þessarar málsgreinar með tilliti til takmarkana í 2.–6. mgr.
8. Í öðrum verðbréfum.
9. Í innlendum hlutabréfum sem ekki eru skráð á skipulegum markaði, enda séu engar hömlur lagðar á viðskipti með hlutabréfin og ársreikningar hlutaðeigandi hlutafélaga öllum aðgengilegir.
10. Með gerð afleiðusamninga sem draga úr áhættu sjóðsins.

Verðbréf skv. 1., 2. og 5.–8. tölul. 1. mgr. skulu hafa skráð kaup- og sölugengi á skipulegum markaði. Með skipulegum markaði er átt við skipulegan verðbréfamarkað innan aðildarríkja Efnahags- og framfarastofnunarinnar (OECD) sem starfar reglulega, er opin almennungi og viðurkenndur með þeim hætti sem Fjármálaeftirlitið metur gildan. Sé markaðurinn utan ríkja OECD skal Fjármálaeftirlitið hafa viðurkennt hann.

Þrátt fyrir ákvæði 2. mgr. er heimilt að fjárfesta fyrir samtals allt að 10% af hreinni eign sjóðsins í verðbréfum sem falla undir 1., 2., 5. og 8. tölul. 1. mgr. og ekki eru skráð á skipulegum markaði, enda séu verðbréfin gefin út af innlendum aðilum.

Eign lífeyrissjóðsins skv. 2., 5. og 8. tölul. 1. mgr. hverjum um sig og 6. og 9. tölul. 1. mgr. samanlagt skal ekki vera meiri en 35% af hreinni eign sjóðsins. Þó skal eign skv. 9. tölul. ekki vera meiri en 10% af hreinni eign sjóðsins.

Samanlögð eign sjóðsins í verðbréfum skv. 2.–9. tölul. 1. mgr. útgefnum af sama aðila eða aðilum sem tilheyra sömu samstæðunni skal ekki vera meiri en 10% af hreinni eign sjóðsins. Þessi takmörkun skal vera 5% fyrir verðbréf skv. 8. tölul. Eigi er lífeyrissjóðnum heimilt að eiga meira en 15% af hlutafé í hverju fyrirtæki né meira en 25% af hlutdeildarskírteinum útgefnum af sama verðbréfasjóði. Þó er lífeyrissjóðnum heimilt að eiga stærri hluta en 15% í fyrirtæki sem eingöngu sinnir þjónustuverkefnum fyrir lífeyrissjóðinn sjálfan.

Lífeyrissjóðurinn skal takmarka áhættu í erlendum gjaldmiðlum í heild við 40% af hreinni eign sjóðsins.

Með hreinni eign í 3.–6. mgr. er átt við hreina eign lífeyrissjóðsins til greiðslu lífeyris samkvæmt síðasta endurskoðaða ársuppgjöri. Takmarkanir í 3.–6. mgr. skulu halda á hverjum tíma.

Lífeyrissjóðnum er ekki skylt að selja eignir í því skyni að fullnægja þeim takmörkunum sem kveðið er á um í þessari grein en skal þegar hann kaupir verðbréf gæta þess að þessi takmörk séu virt.

8. gr.

30. gr. sem verður 32. gr. orðast svo:

Reikningar sjóðsins skulu endurskoðaðir af Ríkisendurskoðun. Endurskoðun skal vera lokið eigi síðar en fjórum mánuðum eftir lok reikningsárs.

Endurskoðun reikninga skal gerð í samræmi við góðar endurskoðunarvenjur og reglur bankaeftirlits Seðlabanka Íslands þar að lútandi. Með endurskoðun sinni skal endurskoðandi

komast að rökstuddri niðurstöðu um áreiðanleika þeirra upplýsinga sem ársreikningurinn veitir. Hann skal ganga úr skugga um að ársreikningurinn sé gerður í samræmi við góða reikningsskilavenju og fylgt hafi verið ákvæðum laga, reglna og samþykktar varðandi meðferð fjármuna, ráðstöfun fjár, ávöxtun og upplýsingaskyldu lífeyrissjóða.

Telji ríkisendurskoðandi að í ársreikningi séu ekki þær upplýsingar sem þar eiga að koma fram eða hafi aðrar ábendingar og athugasemdir, sem hann vill koma á framfæri við stjórn eða framkvæmdastjóra, skal bera þær fram skriflega og veita hæfilegan frest til svara. Þyki ríkisendurskoðanda ástæða til skal hann gera tillögur til stjórnar lífeyrissjóðsins um endurbætur varðandi meðferð fjármuna, um breytingar á innra eftirliti og öðru því sem hann telur að geti verið til bóta í rekstri lífeyrissjóðsins.

Ríkisendurskoðandi skal að lokinni endurskoðun árita ársreikninginn og greina frá niðurstöðum endurskoðunarinnar. Í árituninni skal koma fram að ársreikningurinn hafi verið endurskoðaður. Þá skal koma fram álit ríkisendurskoðanda á því hvort ársreikningurinn sé saminn í samræmi við ákvæði laga, reglna, samþykktar og góða reikningsskilavenju svo og greinargerð um niðurstöðu endurskoðunarinnar að öðru leyti. Ef ríkisendurskoðandi telur að ekki beri að samþykkja ársreikninginn skal hann taka það fram sérstaklega. Ef skýrsla stjórnar hefur ekki að geyma þær upplýsingar, sem þar ber að veita að hans áliti, eða er ekki í samræmi við ársreikninginn skal ríkisendurskoðandi vekja athygli á því í áritun sinni.

Ríkisendurskoðandi hefur rétt til að sitja stjórnarfundum þar sem fjallað er um ársreikning.

9. gr.

Á 2. mgr. 65. gr. sem verður 67. gr. eru gerðar eftirfarandi breytingar:

Í stað orðsins „sjóðnum“ í a. lið komi: B-deild sjóðsins.

Í stað orðsins „sjóðnum“ í b. lið komi: B-deild sjóðsins.

Í stað orðsins „sjóðsins“ í c. lið komi: B-deildar sjóðsins

10. gr.

Eftir IX. kafla kemur nýr kafli, X. kafli Séreignardeild (S-deild) en töluröð síðari kafla breytist til samræmis við það.

11. gr.

Við samþykktirnar bætist ný grein sem verði 89. gr. og breytist röð annarra greina samkvæmt því. Greinin orðast svo:

Almennt.

Sjóðurinn starfrækir séreignardeild (S-deild) sem tekur við iðgjaldi til myndunar séreignar.

12. gr.

Við samþykktirnar bætist ný grein sem verði 90. gr. og breytist röð annarra greina samkvæmt því. Greinin orðast svo:

Aðild.

Aðilar að S-deild geta verið þeir sem greiða eða greitt hafa iðgjald til einhvers eftirgreindra sjóða: A- eða B-deildar Lífeyrissjóðs starfsmanna ríkisins, Lífeyrissjóðs hjúkrunarfræðinga, Lífeyrissjóðs alþingismanna og Lífeyrissjóðs ráðherra og þeir, sem átt gætu rétt til aðildar að A-deild Lífeyrissjóðs starfsmanna ríkisins skv. 3. gr. laga um sjóðinn.

Sjóðfélagar í séreignardeild skulu gera skriflegan samning við lífeyrissjóðinn, þar sem tilgreindir eru skilmálar varðandi framlög og tryggingavernd, ásamt yfirlýsingu um að þeir hlífi samþykktum sjóðsins.

13. gr.

Við samþykktirnar bætist ný grein sem verði 91. gr. og breytist röð annarra greina samkvæmt því. Greinin orðast svo:

Líf- og heilsutrygging.

Lífeyrissjóðnum er heimilt, samkvæmt skriflegri beiðni viðkomandi sjóðfélaga, að draga frá iðgjöldum hans upphæð, sem svarar til iðgjalds vegna líf- og heilsutryggingar. Það er þó skilyrði fyrir slíkum kaupum, að réttur til útborgunar tryggingar hlíti sömu reglum og sé í samræmi við 93. gr. samþykta þessara.

14. gr.

Við samþykktirnar bætist ný grein sem verði 92. gr. og breytist röð annarra greina samkvæmt því. Greinin orðast svo:

Hlutdeild í ávöxtun.

Framlög hvers sjóðfélaga í séreignardeild skulu færð á sérreikning hans. Auk þess skal færa til eignar hjá hverjum sjóðfélaga þær tekjur af vöxtum og verðbótum sem sjóðnum áskotnast vegna eignar hans í sjóðnum.

Nettótekjur séreignardeildar skiptast milli sjóðfélaga í hlutfalli við eign hvers um sig og færast árlega á sérreikninga þeirra.

15. gr.

Við samþykktirnar bætist ný grein sem verði 93. gr. og breytist röð annarra greina samkvæmt því. Greinin orðast svo:

Útborgun.

Sjóðfélagi, sem orðinn er fullra 60 ára, á rétt á að fá lífeyrissparnað sinn greiddan með jöfnum, mánaðarlegum eða árlegum greiðslum, á eigi skemmri tíma en 7 árum, þó aldrei fyrir en tveimur árum eftir fyrstu innborgun eða á þeim tíma, sem sjóðfélagi vantar á að hafa náð 67 ára aldri. Sama rétt hefur sjóðfélagi, sem verður að hætta störfum vegna varanlegrar heilsubilunar, áður en hann nær 60 ára aldri. Nú er örorka metin minni en 100% og lækkar þá árleg endurgreiðsla í sama hlutfalli og endurgreiðslutíminn lengist sem því svarar.

Eigi síðar en við upphaf lífeyristöku skulu sjóðfélagar í séreignardeild gera skriflegan samning um útborgun séreignar.

Við andlát sjóðfélaga, fellur eign hans í séreignardeild til erfingja hans og skiptist milli þeirra eftir reglum erfðalaga. Hlut eftirlifandi maka, sbr. 3. mgr. 16. gr. laga nr. 129/1997, ber að greiða með jöfnum greiðslum á sjö árum. Greiðslum skal þó lokið fyrir 67 ára aldur maka, hafi hann ekki þegar náð honum við andlát rétthafa. Hlut barns undir 18 ára aldri skal greiða með jöfnum greiðslum á fimm árum eða á þeim árum sem upp á vantar að barnið nái 18 ára aldri, hvort sem lengra er.

Láti rétthafi ekki eftir sig börn eða maka, skal innstæðan renna til dánarbús rétthafa án takmarkana 2. msl. 2. mgr. 8. gr. laga nr. 129/1997.

Heimilt er stjórn sjóðsins að víkja frá fyrrgreindum reglum, ef inneign sjóðfélaga er undir kr. 500.000. Skal viðmiðunarfjárhæð þessi breytast árlega í hlutfalli við breytingu á vísitölu neysliverðs miðað við grunnvísitölu 173,5 stig.

Með jöfnum greiðslum er hér átt við jafnar greiðslur að tiltölu við fjölda greiðsluára, þannig að sjóðfélagi fái á hverju ári þann hluta af innstæðu sinni, að meðtöldum tekjum vegna hennar, sem svarar til tölu þeirra ára er eftir standa af endurgreiðslutímanum.

16. gr.

Við samþykktirnar bætist ný grein sem verði 94. gr. og breytist röð annarra greina samkvæmt því. Greinin orðast svo:

Uppsagnarákvæði.

Samningi um greiðslur iðgjalds til séreignardeildar er hægt að segja upp með sex mánaða fyrirvara.

Samningurinn fellur þó úr gildi ef sjóðfélagi hættir störfum, sem veita aðild að lífeyrissjóðum skv. 1. mgr. 90. gr., nema hann óski þess að halda áfram að greiða til séreignardeildar.

Uppsögn veitir ekki rétt til útborgunar innstæðu eða réttinda. Aðilar samnings um lífeyrissparnað geta samið um að heimilt sé að flytja innstæðu eða réttindi eftir uppsögn milli þeirra, sem boðið geta upp á samninga af þessu tagi sbr. 3. mgr. 8. gr. laga nr. 129/1997 gegn greiðslu kostnaðar.

17. gr.

Breytingar þessar öðlast þegar gildi.

Með vísan til laga nr. 1/1997, um Lífeyrissjóð starfsmanna ríkisins staðfestast breytingar þessar hér með.

Fjármálaráðuneytinu, 31. desember 1998.

F. h. r.

Ragnheiður Snorradóttir.

Tómas N. Möller.